



UNIVERSITÄTS-
BIBLIOTHEK
PADERBORN

**Nicolai Cavssini Trecensis E Societate Iesv, De Eloqventia
Sacra Et Hvmana**

Caussin, Nicolas

Coloniae Agrippinae, 1626

Paradisvs terrestris. Descriptio CVI.

[urn:nbn:de:hbz:466:1-68724](https://nbn-resolving.org/urn:nbn:de:hbz:466:1-68724)

PARADISVS
terrestris.

Descriptio CVI.

Ex imaginibus P. R. R. cheamii nota Latina expressis.

IN voluptuarios hortos devenimus, quos si nondum videtis, animo, & cogitatione efformate. Regio in primis amoena, quippe situ præcella, specie eximia, bonis opulenta, omni deliciarum genere affluens: Terra partim in planiciem exspatiens, partim in colliculos molliter assurgens, vernantem frugeferarum arborum copiam explicat; in ipso hortorum apice fons est eximius, qui primum argenteis aquarum vorticibus ebulliens, mox diffusus in fluvium sinuosis flexibus, atque meandris concisus oberat, & felicia arva percunibus fecundat rivulis. Ad summum in quatuor salientes diuisus celeberrimos amnes efficit, qui varias terrarum plagas interfecantes, pingui, ac feraci limo rigant.

Primus, opinor, Phison arenulas aureas, & illustre collucentium margaritarum decus egerit ad ripas, quas ob colonorum inopiam nemo colligit, avidius post hæc tantæ opulentia non ita simplex posteritas inhiabit. Cæli admodum iucunda temperies, quippe clementius renidens solis fulgor, vel minimas nebulæ maculas tempestive discutit. Ignis cæteroqui violentus in suo feriat regno, & aeri leniter insidens calor, & luminis iucundissimam terris temperiem impertit.

Iam verò, & hæc pratorum herbescens viriditas intermicantium florum varietate picturata, & hæc arborum pubes enatis modò flosculis lasciuens, præsentis, opinor veris præbet argumentum. Cum eodem suas partes agunt, reliquæ tempestates. Itaque & iam æstatis beneficio aristas molliter flavescere, & in his pomariorum delicijs fructus maturefcere videas, qui carpentis inuitent manû. Ex altera parte autumnus gratam oliuitatem, & vites diffusa corymborum luxurie collibus inserpentes, & iam præmaturis racemis vestitas, etiam ante Noemii tempora, speciosius ostentat. Nullus hic hyemis rigor, ita vim omnem recundunt, partim clementiores solis radij, qui felicem plagam

circumnectiunt, partim etiam molles fauoniorum animæ, quorum flabellis, & placidissimo murmure regio tota circumquaque ventilatur. Diceretis quatuor hic tempestates vna concinere, vere tamen superiores partes semper obtinente. Hinc nemorum tractus densissimo frondium vestitu diffusi, quarum aliæ simplici cultu virefcunt, aliæ paulatim è viridi tum cæruleas, luteasque, tum purpureas, & igneas transeunt in maculas, quales in arcu cælesti cum voluptate miramur. Atque eo ipso tempore Psittaci, & quæcunque vario plumarum cultu aues emicant, ad gravissimum pastum aduolantes, augent oblectationem: cum folia, & fructus, atque adeo ipsæ alites varijs colorum picturis in certamen usque luxuriant.

Quid quod non modo certant pulchritudine auculæ: sed fractis vocalium modulis mellitissimos cantus fundunt? inter quas Iucinia pertinaci, vt solet, spiritu, modò in longum numeros trahit, modò summa quadam varietate flectit, modò concisa voce distinguit. Fugerat me pene ales ille paradisiacus, quem ex palma suspensum cernitis, est tenui imprimis corpufculo versicolore plumarum amictu, in eo diuinitus iudente natura, superbiens, lutei capitis maiestate nosterlitus ceruicis viros irradiat: pennæ mediocriter implumatae purpurascunt, reliquû corpus auro subrutilo iucundissime flavescit.

Beatus ille cælestium ciuis, & naturæ parentis delicia, numquam appellit ad terras: ita in aere perpetuum sibi fixit domicilium. Neque verò pedes habet, neque eorum usum desiderat, si quando enim post variam agitationem subit defatigatio, duabus pennis longiusculis se, veluti filis æneis, applicat ad arbores, & ex ipsdem spectabile corpus librat. Leonum, tigrum, atque elephantorum greges, quos in varia spatios videtis, omni feritate deposita placidissimos lucos oberant, & suis alumnis blandiuntur, nec mirum, si Adamus, & Eua belluarum ingenia consili, sine vilo timore propius accedunt, & inter easdem vagantur liberius.